

quod nomen? Falso opinionis errore tenentur, qui ad tale quid nos adspirasse credunt. Non aliud in hoc calendario edendo secuti sumus consilium, nisi, ut haec carmina qualiacunque, exercitationes scholasticas, nullo praeceptorum adjuvante aut emendante, exaratas, tanquam studiorum nostrorum specimina palam omnium, qui scholae nostrae res aliqua ex parte curant, oculis exponeremus, persuasi, fore, ut iudices aliqui benigni et candidi, consueta judicandi comitate et in juvenum imbecillitates lenitate conspicui, sententiam de iis ferant haud adeo iniquam. Quod si nobis contigerit, nihil magis sit nobis exoptandum, quam ut omnes scholae nostrae patroni in posterum nobis faveant, nostrisque conatibus benigno vultu adnuant.

Restat, ut paucula moneamus, cur singulos anni dies discipulorum Afranorum, cum mortuorum, tum adhuc florentium, nominibus notaverimus. Lectoribus partim eorum memoriam ita revocari, partim, si qui nonnullos non norint, eorum notitiam voluimus perferri. Multi profecto cujusvis aetatis viri eruditissimi ac nobilissimi in almo hujus scholae sinu materna cura fotti prodierunt, et lampadibus clarius aetati suae